



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՇՈՒԿԱՅԻ ՎԵՐԱՀՍԿՈՂՈՒԹՅԱՆ ՏԵՍԶԱԿԱՆ ՄԱՐՄԻՆ**

Ո Ր Ո Շ ՈՒ Մ N_440
Տուգանք նշանակելու մասին

08.11.2023թ.

ք. Երևան

Քննելով տեսչական մարմնի կողմից 2023թ. օգոստոսի 29-ի N 585-Ա հրամանով

«ԱՐՄԵՆ ԲԱԲԱՅԱՆ» ՍՊԸ-ում /ՀՎՀՀ՝ 02551248/

Տնտեսվարող սուբյեկտի անվանումը

կատարված ստուգման նյութերը (ստուգման ակտ N 585-Ա կազմված 31.10.2023թ., խախտումների մասին 10.10.2023թ. արձանագրությունը և այլ նյութերը), որոնցով բացահայտվել է որ՝ Ա/Ձ-ն ՀՀ Կոտայքի մարզ., Ադինջ մոլ տաղ. 166 հասցեում զբաղվում է երեխաների և դեռահասների համար նախատեսված արտադրանքների ներմուծմամբ և վաճառքով:

Ստուգումն իրականացվել է ՀՀ կառավարության 6 հունիսի 2019 թվականի N 730-Ն որոշմամբ հաստատված «Երեխաների և դեռահասների համար նախատեսված արտադրանքի անվտանգության ստուգման վերաբերյալ» ստուգաթերթի հիման վրա:

Ստուգման ընթացքում պարզվել է, որ ներմուծված երեխաների և դեռահասների համար նախատեսված արտադրանքները (հագուստ, տաքատներ, բլուզներ, զգեստներ և այլն) իրացվել են տեխնիկական կանոնակարգով սահմանված մակնշմանը ներկայացվող պահանջների բացակայությամբ, որպեսզի զանցանքը նախատեսված է ՎԻՎ օրենսգրքի 188-րդ հոդվածի 1-ին մասով:

Ստուգման ընթացքում պարզվել է, որ ընկերության կողմից ներմուծված երեխաների և դեռահասների համար նախատեսված արտադրանքները (հագուստ, տաքատներ, բլուզներ, զգեստներ և այլն) 01.07.2020թ.-ից առ ստուգման պահին ընկած ժամանակահատվածը իրացվել են առանց համապատասխանության գնահատման հայտարարագրերի, որպեսզի զանցանքը նախատեսված է ՎԻՎ օրենսգրքի 188-րդ հոդվածի 2-րդ մասով:

Ստուգմամբ արձանագրված խախտումները և թերությունները չվերացնելու հետևանքով Տեսչական մարմնի ղեկավարի կողմից արձակվել է N 18 կարգադրագիրը:

Փաստացի խախտվել է «Տեխնիկական կանոնակարգման մասի» ՀՀ օրենքի 27-րդ հոդվածի 2-րդ և 3-րդ մասի Մաքսային միության հանձնաժողովի 2011 թվականի

սեպտեմբերի 23-ի N797 որոշմամբ հաստատված «Երեխաների և դեռահասների համախառն արտադրանքի անվտանգության մասին» Մաքսային միության տեխնիկական կանոնակարգի 3-րդ հոդվածի 1-ին կետի, 9-րդ հոդվածի 1-ին, 2-րդ և 3-րդ կետերի պահանջները:

Նշված իրավախախտման համար ըստ ՀՀ իրավաբանական անձանց պետական ռեգիստրի էլեկտրոնային քաղվածքի պատասխանատու է հանդիսանում «ԱՐՄԵՆ ԲԱՐԱՅԱՆ» Ա/Ձ -ի տնօրեն՝

Արմեն Սարգսի Բաբայանը

իրավախախտողի անունը, ազգանունը, պաշտոնը

ՀՀ, ք. Երևան, Խանջյան փ., 7 շենք, բն. 23

մշտական բնակավայրը և հասցեն

Վարչական իրավախախտման վերաբերյալ արձանագրությունը կազմելիս վարչական պատասխանատվության ենթարկվող անձին բացատրվել է «Վարչական իրավախախտումների վերաբերյալ» ՀՀ օրենսգրքի 267-րդ հոդվածով նախատեսված նրա իրավունքներն ու պարտականությունները, որի համաձայն «վարչական պատասխանատվության ենթարկվող անձը իրավունք ունի ծանոթանալու գործի նյութերին, բացատրություններ տալու, միջնորդություններ հարուցելու, գործի քննության ընթացքում օգտվելու փաստաբանի իրավաբանական օգնությունից, ելույթ ունենալու մայրենի լեզվով և օգտվելու թարգմանչի ծառայություններից, եթե չի տիրապետում այն լեզվին, որով տարվում է վարույթը գանգատարկելու գործով որոշումը»:

Ղեկավարվելով սույն հոդվածով՝ վարչական պատասխանատվության ենթարկվող անձին բացատրվել է, որ գործը կարող է իր բացակայությամբ քննվել միայն գործի քննության տեղի և ժամանակի մասին նախապես ծանուցված լինելու դեպքում, եթե նրանից միջնորդություն չի ստացվել գործի քննությունը հետաձգելու մասին:

Վարչական պատասխանատվության ենթարկվող անձը պատշաճ ծանուցվել է ՀՀ շուկայի վերահսկողության տեսչական մարմնում 08.11.2023թ.-ին ժամը 11:00-ին կայանալիք վարչական գործի քննությանը, այն է Տեսչական մարմնի կողմից ապահովվել է նրա լսված լինելու իրավունքը, սակայն չի ներկայացել և ղեկավարվելով «Վարչական իրավախախտումների վերաբերյալ» ՀՀ օրենսգրքի վերնշված հոդվածով գործը քննվել է նրա բացակայությամբ:

Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածին համապատասխան իրավախախտում կատարած անձի նկատմամբ վարչական տույժը, որպես վարչական պատասխանատվության միջոց կիրառելիս հաշվի են առնվել կատարված իրավախախտման բնույթը, նրա անձը, մեղքի աստիճանը, գույքային դրությունը պատասխանատվությունը մեղմացնող և ծանրացնող հանգամանքները:

Ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 2-րդ մասով, 33-րդ հոդվածով, 34-րդ

հոդվածով, 244.7 հոդվածով, 279-րդ հոդվածով, 281-րդ հոդվածով և 282-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Տվյալ իրավախախտումների համար պատասխանատու Արմեն Սարգսի Բաբայանի նկատմամբ կիրառել Վարչական իրավախախտումների վերաբերյալ Հայաստանի Հանրապետության օրենսգրքի 188-րդ հոդվածի 1-ին մասով նախատեսված պատասխանատվության միջոցը, սահմանել տուգանք 200 000 /երկու հարյուր հազար/ ՀՀ դրամի չափով և Վարչական իրավախախտումների վերաբերյալ Հայաստանի Հանրապետության օրենսգրքի 188-րդ հոդվածի 2-րդ մասով նախատեսված պատասխանատվության միջոցը, սահմանել տուգանք 150 000 /մեկ հարյուր հիսուն հազար/ ՀՀ դրամի չափով: Ընդհանուր տուգանքի չափը կազմում է 350 000 /երեք հարյուր հիսուն հազար/ ՀՀ դրամ:

2. Տուգանքը պետք է վճարվի **Պետական բյուջե 900005024014 հ/հ:**

3. Տուգանք նշանակելու մասին որոշման հարկադիր կատարումը իրականացվում է «Վարչարարության հիմունքների և վարչական վարույթի մասին» ՀՀ օրենքի 5-րդ բաժնի դրույթներին համապատասխան:

4. Սույն որոշումը կարող է բողոքարկվել ուժի մեջ մտնելու օրվանից երկու ամսվա ընթացքում Վարչական դատարան:

ՏԵՍՉԱԿԱՆ ՄԱՐՄՆԻ ՂԵԿԱՎԱՐ՝



ԱՐՄԱՆ ԱՎԵՏԻՍՅԱՆ
ՊԱՐՏԱԿԱՆՈՒԹՅՈՒՆՆԵՐԸ ԿԱՏԱՐՈՂ